

اولیٰ نمبر

برخی سنہ

دار الفنون الکلیف الکلیف الکلیف

تاریخی ، اجتماعی ، دینی ، فلسفی

آگستوس — ۱۹۲۶



شہزادہ بائی — اوقاف مطبعہ سی
۱۹۲۶

اقوام اسلامیه آنتروغرافیاسنه برمدخل

— ۱ —

آنتروپولوژی

اقوام بشریه نك مسلمان كته لری حقنده بیاناته کیریشمزدن اول علی الاطلاق بنی بشره و بنی بشرک انشعاب ایتدیکی باشدیجه عرقلره دائر طبیعیات علماسنك نه یولده ملاحظاته بولونقلرینه سیر سریع ايله برکوز کزدیرمك لازم کلور؛ یعنی آنتوغرافی حقنده سوز سويلزدن مقدم ابتدای امرده ماهیت بشریت علمی اولان (آنتروپولوژی) و بعده (آنولوژی) مباحثی اوزرینه نظر مطالعه منی شویله برکزه چه ویرمك اقضا ایلر.

آنتروپولوژی، آنولوژی، آنتوغرافی کبی تعبیرلر غربی آوروپا علماسی طرفندن آنجق بوندن یوزکسور سنه مقدم احداث ایدلمشلردی. مع مافیہ بوتعبیرلرک مفهوم فیلری آره سنده کی حدود - یاقین و قتلره کلنجهیه قدر - وضوحه تعین ایده مەمش ایدی؛ بوجهتله آنلرک احتوا ايله دکلری مباحثک تفریقده خیلی قارغشلقی آثاری کوریه کلشدر. باخصوص آنولوژی ايله آنتوغرافی بی بررینک یرنده قوللانیق کبی مفهوم خطالری بر چوق آثار محرمده کوزه چاربار.

اول امرده نظر مطالعه منی (آنتروپولوژی) مباحثه چه ویرلم: آنتروپولوژی تعبیری ایکی کله یونانیه دن ترکیب ایدرکه آنلرده بشر و یا بنی آدم دییه تعریف ایدیه بیلان (آنتروپوس) و مباحث معناسنی افاده ایدن (پولوس) لفظلریدر.

لسانمزده بروقتلر (علم احوال بشر) دییه اوزون بر ترکیب ايله افاده ایدلمش اولان (آنتروپولوژی) علی الاطلاق بشریتک ماهیت اساسیه سندن باحثدر و بنی بشرک تاریخ طبیعیسی مقامنده بولونور؛ حالبوکه آنتوغرافی بنی بشرک متفرق حزبلرینک احوالندن - و بوجه پیشین سویله یالم که فی دکل اجتماعی احوالندن - باحثدر. بناء علیه (آنتوغرافی) مبحثی (آنتروپولوژی) علمنک بر نتیجه سیدر؛ ایشه بوندن طولانیدرکه (آنتوغرافی) ماده سنده آنتروپولوژی مبحثک احتوا ايله دیکی بعض نقطه لرک تلقیسنه احتیاج کورینور. آنتروپولوژینک غایه سی بنی بشرک ذی جان و ذی حیات اولان موجودات آره سنده کی

موقعنك تعيينى در. بو علم ، انسانك تاريخ طبيعىسى تلقى ايدىلنجه هم معين و ممتاز بر شخصيت اعتباريله بشرك تكوتى ، تركيبى ، علامت جسمانيه و ادراكيه سنى موضوع تدقيق ايدر همده بشرى متنوع صرقلرى تمثيل ايدن بر نمونه حيات صورتنده تلقى ايلر و بناء عليه بنى بشر افرادينك جماعت حالته كيرو بده مدنيتك نفوذى طولاييسيله تكمله طوغرى كيتمى سنى كوسته در .

آنتروپولوژى بشرىتك - بالخاصه بر حيوان اجتماعى صفتنده اولق اوزره - ديكر حيواناته اولان نسبتدن و بنى بشرك تحولات انكشافيه سندن واجناس مختلفيه انقسامندن بحث ايدر . ايشته بوانقسام نقطه سندن اعتباراً (آنتروپولوژى) علمى ساحه بئى كنديسنه برنجى درجه ده [۱] متمم اولان (آنولوژى) يه براقور .

آنتروپولوژى بنى بشرك اصليتنده كى قديمى سجالات و تقاويم دوره لرندن يك چوق كبرى يه آتار و بو اصلى طبقات الارض علمى واسطه سيله دخى تعين ايتمكه خادم اولور . آنتروپولوژى اربابى قبل التاريخ شوقدر بيك ييل كى [۲] ماضى ابعده حدوئه كئش اولان طبقات ارضيه تحولاتى صيره لرنده بيله آباء بشرىتك موجوديتى حقتنده اماره لر ، برهانلر تشيئه جاليشور . حال بوكه آنتروپولوژى علمنك ايكي متممندن برى اولان (آنولوژى) اكثر يتله و ديكرى اولان (آنسوغرافى) على العموم سجالات و تقاويم دوره لرى داخلنده ياشايان انسان كته لر ينك احواليه علاقه دار بولونور لر .

بنى بشر - مبادى نشأ سندن آنولوژى بنك حدود تلقيسنه يتشنيجه يه قدر - حسابسز بطون و قرونك ياواش ياواش مرورى صيره سنده نيجه اليم حلالر ايچنده انكشاف بولوب كيتمى شدى .

ايلر يله مك ايچون آتمش اولدينى هان هر آديمه غذا و بقا تأمىنى اوغورنده قورقيج بر جدال مستمره معروض قالمشدر . بو يولده حسابسز افراد بشر هلاكه اوغرامش و نيجه انسال انسان زوال بولمشدر . اعتلا حر كاتنده ا كتر يت اورره اضطرارى فدايىلر ، نهايتسز اضطرابلر وقوعه كشمدر . بر جنس مخلوق ديكر جنس مخلوقك اوسته حرص ايله آتيلمش ، بر كته بشر ديكر بنى تسخير و حق احمايه اوغرامش ؛ ايشته بو

[۱] آنسوغرافى ايكنجى متمم اولور .

[۲] حادثات جهانك زمان وقوعى قبل التاريخ ايسه بيكرجه سنه لك دورملر ايله ، مبدأ تاريخ ايسه عصرلرجه ، بعد التاريخ ايسه سنه لرجه اوله رق تخمين ويا تعين ايديلور .

بولده بشرک شبه نسناس [۱] برحالدن قورتیلویده صیادلوق ، راعیلک ، زارعلک ، صانعلق حاللرینی صیره سیه دور ایدنجه یه قدر یوز بیکلرجه سنه لر کچدیکی تخمین ایدیلور .
استطراد :

تکونک - سابسز سنین مقدمه سی ایچنده اصلیت بشرده کی صرف حیوانی انکشافاتک تخمینی مناسبتله بر مؤلف [۲] « بشرک یوکسامه سی » عنوانی کتابنده شو شایان دقت اشارتده بولونیور :

« ... سلسله ده غائب اولان نقطه ارتباطیه یی برطرفه براقلمده یالکیز شوراسنی سوله یه لم که انکشافاتک افاده ایتدیکی مفهومه کوره انسان - ازلیتده - نسناسلقدن تبحر ایتش . انسان ایله شکلا مشابه بشر اولان او مخلوقک جد بعیدلری بر ایدی دینیلور . مسئله صرف مادی بر نقطه نظردن باقیلقدده اوکی برحالت انکشافه پکده اهمیت ویرلز . بالجه نسناسلرک ، کدیلرک ، کوپکیرک ، اینکیرک وسائر حیوانات مرضعه نک اسلافنک هوام وحشرات صغیره آکللی اولان بر حیوان بولوندیغی بو مناسبتله برکده تفکر ایتلی . آکل هوام وحشرات اولان اوکی بر مخلوقک بر یوزنده باقی قالان ممثلری کیری وکوسته بک کپی بیلدیکنز حیوانلردر . انکشافاتک داها کیریسنه کیدیلنجه اواسکی آکل هواملرک - اک بعید ازمان عتیقه ده یاشاوبده بالاخره جنسی منقطع و غائب اولمش بولونان - بعض زحائقدن انبعاث ایتدیکی و مذکور زحائقک بریالقدن حدونه کلدیکی کپی بر نظریه یه تصادف ایدیلور . بناء علی ذلک بشرک منشأ نک نسناس نوعندن بولوندیغی ملاحظه ایتک بشرک داها بعید ازمان ایچنده زاخفدن و آندنده مقدم بالقدن متحدث بولوندیغی ذکر مرتبه سنده اسکی برماصال نقل ایله مک کپی برشی اولور ؛ ایدی بر فائده عملیه ومادییه مؤدی دکلدر . هر حالده بیلنه جک برشی وارایسه اوده شیمدیکی مدنی انسانک زمان قیده ده کی یابانی آدمیتدن تناسل ایله مه سیدر . بوجهت مادی بر نقطه نظردن داها اهمیتلیدر ؛ زیرا او صیاد وجنکجو یابانلر شیمدیلمده مدنی دیدیکمز انسانلرک آباء اولیه سندن ایدیلر . »

بشرک حیوان دکل انسان شیکلنده بر مخلوق صفتیه اصلیقی حقنده تدقیقانه بولونان بعض ارباب علمک قولنجه - اک اسکی مدنیت دورندن داها اول باشلامق اوزره - سلسله قدم (مستحانه لرده کی قافا طاس - لرینه و سائر علامه کوره) سوله یه ترتیب ایدلک لازم کلور :

سینه

۵۰۰ ۰۰۰

۲۵۰ ۰۰۰

۱۵۰ ۰۰۰

جاواده بولونان نیم بشر نیم نسناس کله کیکی

هایده لبرغده کی بشر قافا کیکی

انکاترده پیلت داون نام محالنده بولونان قافا طاسی

[۱] Pithecanthropus

[۲] آلفرد ماچین نام انکلیز مؤلفی

آلمانیده نیانده زنالده کی قافا طاسی (که یونتولش چاقاق طاشی

آلاتی وسونمش آتش علامتی ایله برلکده بولونمشدر) ۵۰۰ ۰۰

فرانسهده قرومانیار نام محله بولونان انسان بقیه عظامی

(که نقشی بره زارده بولونمشدر) ۳۵۰۰۰۰

Neolithic حجر دورینک الك صوکه صفحه سنه مخصوص آلاته مالک انسان ۱۰۰۰۰

عراقده وسائرده کی مدنیت ۸۰۰۰ الی ۶۰۰۰

صرف جسمانی اولق اوزره بشرک اصلیتنی تشریح ایتک (آنتروبولوژی) علمی
ساحه سی داخلنده قالدیغندن او علمک اربابی بنی بشر ایله کوده و جته نقطه نظرندن
شبه بشر کی کورینن ذی جان مخلوقاتک تکیون عضوی و اشکال فعاله جهتلریله اولان
مقایسه لرنی اجرا ایدرلر . بونلر اولاد بشرک قافا طاسی داخلنده کی بین ایله نسناس
اکبرک [۱] باشنده کی عضو ممائی تدقیق ایلرلر و بشرک بیتده کی مغلق و کرفت شراینک
کندیسنه وجوه رجحان ویردیکنی و زیر بونک انسانلرده کوریلن هیجان مدرکه ،
فعالیت عرفانییه ، تأمله ، غزیه ، خاطریه مرکز بولوندیغنی توضیح ایدرلر . بو
خصوصده کی تحریاتده عام تشریح کنیدیلرینه معین اولور .

استطراد :

بنی بشرک اصلیتنی تحریده بهیمیت انکشافاتی نظریه لرینک اساس طوتیلیمه سنی بعض
دیندار کیمسه لر یالکیز انسانیتک منزلتی آچالتمق کی تلقی ایتکله قالمامشدر وحق بونی
جناب خلاق متعالم قدرت قدسیه سنی تزییف شککنده کوسترمشدرلر . لیکن بویولده کی
اعتراضاته ویریلن جوابده دینامشدرکه :

«بنی بشرک بی نهایت تأنی ایله وقوعه کلش اولان صورت تکیونی حقنده کی کشفیات جدیده -
حکمت خلقتده کی خارقه بی - اسکی زمانلرده تعقل ایدلمش اولدینی درجه دن داها زیاده اثباته خادم
اولمشدر ، فنون جدیده - دنیانک و آنک سکنه سنک تکیوناتی جناب واجب الوجود طرفندن نه وجهله
مراد ایدلمش اولدینی - داها واضح صورتده کوسترمکه آنک هنر حکمتنه و قدرت بالقه سنه بزری اسکی
زمان آدم لرنن زیاده حیران براقشدر» [۲] .

انکشاف طبیعت ماده سنده خواص روحانییه متعلق برچوق نظریه لر سرداولونمشدرکه

[۱] شیمپانزه ، غوریللا وسائر

[۲] ارباب فنونک جوابی .

«یونلر آره سنده فرانسیز طبعیونندن مشهور (کاترفاز) ک [۱] مطالعاتنک انکلیز مؤلفی (کین) نک (آنتولوژی) عنوانی کتاینده کوریلان صورتی بروجه آتی نقل ایدیلور : (کاترفاز) بی بشرک جهان بهیمیت مخلوقاتندن وجوه تمیزیه سی صدندده کتوریلان نطق ، قامت اندام ، خواص حساسیت کبی دلیللری برطرف ایدهدک یالکیز انسانک دینی و اخلاق مدرکاتی وجوه تعالیدن صایمش و دیمشدرکه :

« بوتون حیوانات مرضعه هالنده دخی تشریحی [۲] بر تعضو کوریرز ، مثلاً انسانده کی بل کیکنک عینی باشقه بر حیواندهده بولورز . طامارلده ، سیکیرلده دخی وجوه مماثلک وارددره بونلر بعینه خدماتی ایفا ایدن عضولدر . بویک شاقولیتی وجه فارق صایلماز ؛ زیرا (پن غوون) [۳] بوخصوصده انسان کییدر . بشرک خواص تفهیمیه سی زیاده سیله انکشاف بولش اولقله برابر اوده وجوه فارقه دن صایلماز ؛ چونکه بومثللو اوصاف باشقه حیوانلردهده بولونور . ندای نطق دخی بروصف میز اوله رق کوسترمه ملیدر ؛ زیرا بعض قوشلر بعض حیوانات مرضعه ناطقه کارانه صوتلر چقارلرله بوواسطه ایله ایسته دکلیزینی یالکیز کندی نوعلرندن اولانلره دکل اشخاص بشریه دخی تفهیم ایده بولورلر . محبت و خصوصیت کبی قلبی تظاهرات بیه وجوه تمیزدن دکدر ؛ چونکه بوتظاهرات قدرتی بعض قوشلرله ذوی الاربعه حیوانلرده دخی بولونور . جهان بهیمیت ایچون یابانچی و صرف انسانه هاند برشی ایله بی بشر کندیسنه خاص برموقع ممتازده بولونور ؛ شویله که : بی بشرک سنجیه فارقه و ممتازده سی آتک حیر ایله شر ، حق ایله باطل ، معالی ایله مساوی خصوصلرنده کی اعتقاد مختصه سنده کوریلور و ماورای بشریتده کی برطاله ، سرائر کائناته مالک برالوهیته یعنی علوی برموجودیت برابیه ایمان ایله مه سنده کوریلور . »

بالاده خاصه نطقیه حقنده ایدیلان اشارت بزه قدرت تکلم حقنده برقاج سوز سوبله به جک بر فرصت ویرر . او حالده صرف حیوانی بولونان لسان حالدن انسانی اولان لسان مقاله دقتیزی چه ویرم :

آنتروپولوژینک مناسباندار اولدینی علملردن بری ده (علم احوال حیوانات) در . مع مافیة آنتروپولوژی نوع بشرک شعباتنک ایلاک مماثلت ادراکیه سی خاصه نطقیه ایله تظاهر ایتدیرمک صورتیه علم حیوانات ساحه سندن آریلور .

انسان حال طبعیتدن صیریلوب چیققدن صوکره ایکی وجه اوزره انکشافه باشلامشدی : یعنی متحرک و عملی حیوان حالنده ، دوشویچی حیوان صورتنده . ازمئه قبل التاریخه منسوب اولان بشر آنجاق عملی و متحرک حیوان حالنده کورونمش ایدی ؛ بو ، یالکیز بر

[۱] اسم نامی کاترفاز دوبره نودر ۱۸۱۰-۱۸۹۲ سنه لری آره سنده یاشامشدر .

[۲] یعنی علم تشریحک تعیین ایتدیکی اشکال جسمیه

[۳] قطب جهتلری ساحلرندده بولونور ، طیرانه غیر مساعد ، دیک بویلی دالقیج قوش .

لكن بشر- يوكسك مرتبه ده برزكانك يازديمله - جهانہ حاكم اولفي كنديسنة حق صايمشدر م
آتشي ايجاد ايده رك انجماد دوره سته مقاومت ايتك ايسته مشن اولديني كي ادوار عتيقه نك بوبوك
جتهلي آذرهارلرينك، ديولرينك زوالرندن صوكره دخي بقا بولمش وداها اووقتلردن معقول حركتلي
برحيوان حالنده كورونمش ايدى . مادامكه عكسنى مثبت براهين هنوز مفقوددر، اوحالده بزبشرك داهها
او دورلده ييله موزون نقطه مالك بولونمش اولديني فرض ايدم بيلورز؛ حتى ديه بيلورزكه باجافلى
اوستنده طورم ييله جك برشكل قامت آلديني زمانلردن برى برنطق احداثه اوغراشمشدر . »

ينه بومنا- بنته پارس دارالفنوني خواجه لرنندن موسيو (واندرى) نك « لسان » عنوانيله
يازديني ائردن شوقره نك نقلي خارج صدد دوشمر :

« روحى برنقطه نظردن باقيلنجه فعل اصلي نطق، برمعيندارلق خاصه سى بولونان شيعه
اشارتدن عبارتدر . او معامله روحيه بشرك لسانى حيواناتده كي اصوات نطقه دن تميز ايتدبرر م
مع هذا بولرى يكديكريله مقابسه ايتك ونطق حيواناته طبيعي ولسان بشره صنعتكارانه ديك طوغرى
اولماز ؛ بشرك لسانى نطق حيواناتدن داهها آرز طبيعي دكلدر ؛ آتحيق آندن شووجهله بر درجه
يوكسك بولونوركه : انسان اشارتله بر « مقصد » قيمتى ويرديكندن نطقى مقتضاي مراسمه كورم
بي نهايه تنوع ايتدبرمكه قادر اولور . بناء عليه نطق حيوانات ايله لسان بشر آره سنده كي فرق،
اشاراتك ماهيتي تقدير صورتيله حصوله كلور . »

آنتروپولوژينك علاته داراني - خاصه نطقه نك تولداتندن بولونان - ترتيب لهجه
وانشاي كلامه قدر شامل اولماز . لسان مبحثي آنتروپولوژينك برافديني صفحه دن اعتبارآ
(آنولوژى) كندى عهده تذكرينه آلور .

*
*
*

موضوعمرك مدخلنده آنتروپولوژى علمنه متعلق برقاج اساسلى نقطه يه اشارتدم
بولونمقلغمز بو علمك كرك آنولوژى يه وركك آنسوغرافى به زمين بحث حاضرلمه سندن
طولايبدر . فرانسه ده (آنتروپولوژى) تدريساتنك مؤسسسى بولونان (بروقا) [۱]
بو علمه « انسانيتك تاريخ طبيعى » اسمنى ويرن ذاتدر. آندن صوكره بعض علما بوكا
« بشرك تدقيق » كى كذيش وشموللى معالرعطف ايتمشلردر . بوندن طولايي آنتروپولوژينك
برچوق علملر ايله علاقه دار بولونديني استدلال اولونور . مثلاً شو علملر آنكله مناسبه
تداردرلر : جسم بشرك صورت تركب وتشكلى كوستنر علم تشرىخ ، فيزولوژى ، علم
حيوانات ، قبل التاريخ دورلرك حادثاتى نشينه معين اولان طبقات الارض عامى ، بعدالتاريخ
زمانلرك وقايغى تعينه مدار اولان آثار عتيقه مبحثى ، الخ .

[۱] اسم نامى (بول بروقا) در؛ طبيعوبندن اولوب ۱۸۲۴-۱۸۸۰ سنه لرى آره سنده ياشامشدرم

قاج آلت یامق اوزره آلارنجی ایشله دیر ایدی . لکن دوشونجی حیوان صفتنده ابتدا سویلنه جک لفظ وبالاخره یازیله جق کله لر ایداشنه باشلادی . لسان - که « اصول اشارات » دییه تعریف ایدیله بیلور - بوصورتله تحصیل ایدر اولدی .

لسانک - داها طوغریسی تکلم مسئله سنک - اصلیتی بنی بشرک وهیئت اجتماعیه نك اصلیتی ماده سنه مریوطدر وتاریخ انسانیتک مبادیسنه راجعدر . انسانک بنی انکشاف ایتدجکه وهیئت اجتماعیه حالی تکیون ایله دجکه لسان دخی انکشاف بولمشدر . اصول اشارات انسانلر آره سنده طوبایجه یاشامق حالی ایله تأسیسه باشلامشدر . شبهه دن بری اولدینی اوزره ماضی بیدک الک ابتدائی افراد وحشیه سی بیله نوعماطوبلیجه یاشامق میلنه تابع قالمشدر . سطح ارضک آلتنده کشف ایدلش اولان آثار بشریت قیاسی انسانک اصلیتک قبل تاریخ دخی مجتمع بر شکلده بولونمش اولدیغنه دلالت ایدر وفی الواقع بنی بشری دیگر ذی جان وحیات مخلوقاتدن اساسلیجه تفریقه مدار اولان تمایز ادراکی والزام تماس کی علامته پ جامعیت صورتیه وجود بولش وبالخاصه دیگر ذی جان وحیات مخلوقاتک فوقنده بنی بشره بر موقع ارجحیت بخش ایدن نطق شهسز حال اجتماع ایله محدث ایله مشدر .

نطق قدرتجه کوسته ریلن انکشافک انسان ایچون بروجیه تمیز حصوله کتورمش اولدینی بدیهیدر . بالاده فاقیت روحانیه بحثی مناسبتله اسمی کچن (کار فایز) پک طوغری بر ملاحظه اولمق اوزره بعض حیواناتده کی صدای تبلینی نطق دکل ناطقه کارانه برسس اوله رق توصیف ایتمشدر . مشابه انسانسی صاییلان اک اسکی مخلوق بشرک قافاطسانک تدقیقنده بولونمش اولانلر او قافانک یوزطر فلرینک نطق ایچون بالخاصه معدل اولدینی کورمشلردر [۱] بناء علی ذلک اک ابتدائی فرد بشر بیله ناطقه سز دکلش ؛ شو قدر وارکه شخص ابتدائینک نطقی داها آز صورتده منفصل وموزون بولونیورمش .

اوقسفورد دارالفنونى اجتماعى آنتروپولوژى معلمی (مارهت) (آنتروپولوژى) عنوانیه یازدینی برآورده دیورکه :

« بشرک وجه فارق - یعنی باشقه جنس حیواناتدن آتی تفریقه مدار اولان وصف - شبهه سز آنک موزون ومرتب نقطه اولان قدرتیدر . بو وصف طولایسیله دره ذهن دخی شکل موزونیت آلور . اگر لسانی، عرفانک خلق ایتدیی برشی صایقه قرار ویرایسه ک - بوندن داها آزا سالی بر حکم اوله یه جینی اوزره - عرفان دخی لسانک خلق ایتدیی برشیدر

[۱] اک زیاده حال ابتدائیده قالمش ، چه لری زواله محکوم دینه جک درجه ده غیر منکشف .

بویلی آلتی یابانی طوائف افراددن برینک بین جهازلرینک نسانس اکبره منسوب بر حیوانک اعضای مماثله سنه نسبتله چوق بویوک وچوق منکشف بولوندینی عندالتحقیق آکلاشله مشدر .

کورینوردی و بو بایده کی اشتباهه اگ زیاده فرانسزجه اوله رق یازیلان آمارده تصادف ایدیلوردی و حالاده بو اشتباه بعض مرتبه مشاهددر [۱] .

انکلیز علمای طبعیانی بوا یکی علمک مبحثلی آره سنده کی حدودی وضوحه تعیین ایلرلر .

آنولوژی تعیری احداث ایدنلر آنی ایکی کله یونانیه دن ترکیب ایتشلردر که بونلرده :
 ناس ، خلق ، امت ، قوم کی معناله کلن (آنسوس) ایله مبحث ، کلام معنالیله تفسیر ایدیلن
 « لوغوس » سوزلریدر . آنولوژینک معنای لغویسی آ کلامق ایچون آله کی لغتله باقمه :
 فرانسزجه لغتلردن بری آنی شویله تعریف ایدیور : « آنروپولوژینک مختلف بشری قلمری
 تشکلاتندن و بی بشرک اوصاف جسمانیه سندن باحث اولان شعبه سی . » انکلیزجه بویوک
 محیط المعارفده ایسه شویله توصیف ایدیلور : « کرک آنولوژی کرک آنسوغرافی اولیه
 علملردر که بونلر - اگ محدود معنالنجه - عرقی واحد قیاسی اولق اوزره بشریتدن
 یعنی بی بشرک عائله و عشیرت منزللری طریقلریله حیات عرقیه به طره ری انکشافندن
 و بویله جه تشکلی ایدن قوملرک کره ارض اوزرنده کی وجه توزیع اتندن بحث ایدرلر . » فقط
 بویله برتوصیف عملی نقطه نظردن باقیلنجه آنسوغرافیدن زیاده آنولوژی به عائد کورینور .
 آنولوژی بی بشری آنروپولوژینک بر اقدینی نقطه دن آله اهرق بشرک ترقیات انکشافیه سنک
 تتبعه خادم اولور .

اولجه ویرلش اولان تفصیلاتدن منقهم بولونه جنی اوزره آنروپولوژی علمی بشری -
 موجودات حیوانیه ایچنده - برواحد قیاسی صفیله تتبعه دائردر . حال بوکه آنولوژی
 بی بشری عرقی واحد قیاس اوله رق تلقی ایدر . بوا یکی مبحثک حدودلرینی تعیین ایچون
 شونقظه نظر دقته آلینمق لازم کلور که آنروپولوژی به (علم احوال بشر) کی شموللی
 بر معنی عطف ایدلد کده بو علمک بشریت حقنده کی کافه معلومات ایله علاقه دار بولومنه سی
 ایجاب ایدردی . حال بوکه معلومات بشریه دائماً متوسع بولوندیغندن آنک توسعی نسبتده
 شعبات مختلفه نك آرتمه سی ضروریدر . بناء علیه آنروپولوژی یالکیز نفس بشرک جهان
 حیوانیت اعضاستدن بری اولق اوزره تتبعه منحصر قالور و بشریت مسائلی آنحق جسمانی
 برجهتدن تلقی ایلر . حال بوکه (آنولوژی) اومسائلی هم جسمانی همده روحی نقطه نظردن
 تلقی به دائر بولونور و موضوعاتنده آنروپولوژینک علم تشریح ایله مناسبه دار بولونان اساساتندن
 استعاره ایدر .

[۱] بزده دخی فرانسزله انباها بوخطا وقوعه کلکده در .

خلاصه کلام : آنرپولوژی علمی تتبع ایتک کره ارضک ممکن مرتبه هر جهتندم
نی بشرک تاریخ ماضیسنه و وضعیت حاضر سنه تعلق بولونان مشاهداتک جمعیه بشریت
حاضر معلومانی تیزد و ترویج ایله مک دیمکدره اوباید کی مساعیده بشریتک تاریخیه افرادینک
انکشافات ترقیجویانه به و مدینه اولان قابلیتلرینک قابوتی تنویراید بیلجک هر شی اوزرینه
شدت دقتله تحقیقاتده بولونمق اقتضا ایدر .

ایشته بوقدر مختلف مباحث قیه و عامیه ایله علاقه سی بولونان آنرپولوژی به متعلق
داها زیاده سوز سوبله مک معلومات اختصاصیه به توقف ایدم چکنندن بزم صلاحیتمزک
خارجنده و داها طوغریسی اقتدارمزک بوسوتون فوقنده بروظیفه اولور .

* *

آنرپولوژی

— ۲ —

بشریتک انکشاف اصلیسنه و جهان حیوانی ایچنده کی مناسبانه قیصهجه برکوز
کز دیردکدن صوکره آرتق نی بشرک صورت انقسامنه دائر بر فکر ایدنیمکه چالیشم .
اول امرده شوراسنی قید ایدم که بوراده کی سرلوحه مک علی الاطلاق (آنرپولوژی)
اولدینغه و نی بشرک طوائف متنوعیه صورت انقسامنی تحقیق ایدم چکمز اشارتده
بولونمق لغمز به باقرق آنرپولوژی بحثک تدقیقانه کیریشم چکمز آکلاسیلما ملیدر ؛ زیرا او یله
بر تئبیت بودرسک مقصود اصلیسندن خارج قالور ؛ و هم ده آنرپولوژی کی آنرپولوژینک
دخی دائره بحثنه کیرن (مونوژنیزم) یعنی انسانلرک برکوکدن اورم بوب اورم مدکلری
مسئله سی و (پولی ژنیزم) یعنی اولاد بشرک باشقه باشقه کوکاردن انشعاب ایدوب
ایتمه مدکلری نظریه سی کی ده رین بحثله کیریشمک اختصاص صاحبه اولان ارباب قه عائد
وظائفنددر [۱]

آنرپولوژینک ایلمک متممی (آنرپولوژی) اولدینغه دائراولجه بر اشارتده بولونمش ایدک .
بر زمانلر (آنرپولوژی) ایله (آنوگرافی) یی چوقی کره بر برینک یرنده قوللانانلر

[۱] (مونوژنیزم) و (پولی ژنیزم) بحثلری حقنده کی نظریه لری اورته به قویانلراون سکزنجهی قرن
میلادی طبعیونندن (بلومنه یخ) اون طقوزنجی قرن علمای طبیعاتندن فرانسز (کاترفاز) و انکلیز
(پریمچارد) و مشهور (داروین) درلر . (کین) کی مدققین متأخره (پولی ژنیزم) ذهابی
قطعیته رد ایدرلر .

عين لسانك وحدتی آلتنده زیاده سیله مخلوط اولمش عرقلرک مستور اولدینی کوریرز . فرانسه ده برفرانسزک تابع بولوندی احوالك عینی وجهه یقیندیرلمش برزنجی ویا بر جاپونیا چو جفی فرانسه جه بی سملکتک یرلیسی کی تکلم ایدر . یالکیز بو حقیقت بیه عرق ولسانی آهنگدار کوسترمک تشبیهی حکمدن اسقاطه کافیدر .

متن مدخلک برنجی قسمندہ نطقک اصلقی مناسبیله اسمی کچن انکلیز مؤلفی (ماردت) دخی (آنزوبولوزی) عنوانی کتابندہ ینہ عرق ولسان ماده سی مناسبیله دینورکه :

« کیتدیکه توضیح ابتدیی اوزره عرق ایله لسانک برلکده کیمه سی لازم کلز . مثلا شیمیدی فرانسز اهاالیسک تدقیقانی اجرا ایدیلورسه بونک اکثریت عظیمه سی قان رابطه سی جهیله اسکی (غولوا) خلقته منسوبدرلرکه بوخلق - رومالیرک حکم فاتحالرینه کیروبده قابا طرزده برلاتینجه لهجه اتخاذ ایدنجه قدر سه لیتی (یا خود که لیتی) دینیلن جنسندن برلسان قوللانورلر . خلاصه عرقلر قاناشوب مخلوط اوله بیلورلر؛ فقط لسانلر - بعض احوالی استثنائی برطرف - اوله قولایقله قاناشه مزلر . »

کذلک لسان و عرق خصوصندہ کی هم آهنگی قبول ایتمه ین علمایه کوره فتوحات استیلاری و مهاجرت آقینلری کی وقایع لسانلرک تغیرلرینه و حق زواللرینه بادی اولان حالات مؤثره دندرلر . علی الخصوص غالب و بناء علیه حاکم اولان ماتلر مجبور تابعیت قالان قوملرک مذهبیلرندن داها زیاده لسانلری عوامل مقاومتدن صایه جقلرندن آنلرک لسانلرینک نزوالی ایچون اوغراشورلر .

علم اجتماعیات علماسندن آمریقایی (میللر) نام ذات : (عرقلر ، ملتلر ، صنفلر) عنوانی کتابندہ دیرکه :

« برخلق ، لسانی - علامات ملیه دن اولقی اوزره - مذهبندن داها وجدانی صورته التزام ایدر . دیکر طرفدن دخی برمت حاکمه نیک تجربه دن کچوردیکی مسلکله دقت ایدیلورسه آنک اقوام تابعه مذهبلیته توجیه هجومی مقصد اتخاذ ایتمه دی کوریلور . لکن لسان حقندہ طوغریدن طوغری بهجوملر وقوعه کلور . حدود حاکیت ایچنده عموم ایچون برلسان بولونمہ سنک واسطه وحدت و متخالف لسانلرک موجودیتنک برهنگه افتراق اوله بیلمه سنده کی بداهت حزب حاکمیتی احزاب تابعه نیک لسانلرینه هجومه سوق ایدر . بناء علیه بویکی عوامل سائقه ایله لسانلر یالکیز تغیره کل حتی زواله بیله اوغرازلر . »

بوراده موضوعمیزک مقصدندن پکده اوزاق صایلمیه جق برقره استطرا دیه قیدایتمک ایستهرم . اقوام اسلامیه آره سنده کندی لسان حاکمیتک ترویجی سایه سنده کندی طرفه عروق سائرده دن برچوق افراد الحاق ایدنلر عربلر ولسان خصوصندہ بومسلک التزامه کافی درجه ده اهمیت ویرمه یلر تورکلر اولمشیدی . تاریخک آنوغرافی به تعلق ایدن تحقیقاتندن ثابت اوله جینی اوزره هندستانی ، افغانستانی ، ایران ، استیلا ایتش اولان تورک عرقه منسوب بونجه افراد کندی آنا دیللرینی غائب ایتشلردی . بو حادثه نطقیه برلسانک وصف

خلاصه : آنتروپولوژی داهای مختص و داهای فنی بولوندينی حالده آنتولوژی دها شمولی و داهای عمومی مباحثی احتوا ایدر . بونلرک ایکیسی ده لام و لزوم قیلنددر . [۱]
ایشته بویه جه بی بشر احواله دائر اولان تبعاتک بعضیسی تقسیم اعمال قاعده سنه مطابق صورتده آنتولوژینک ساحه تلقیسنه براقیلمشدر . بی بشرک هررقسمی - اوصاف روحیه و ذهنیه جه - دیگر لریدن تخالف ایتدیکندن بشریتک مختلف خزبلیرنک بربرلیله اولان مناسبتلرنک تدقیقی لازم کلور ؛ بویسه آنتولوژی به عائددر .

بیانات آفقه دن استدلال ایدله بیهلجه کی اوزره (آنتولوژی) انسال بشریت حقنده اک واسع واک شمولی صورتده کی تدقیقانه ویریلن براسم عمومی حکمنده در . ایشته بوسعتلی ملاحظاتدن طولاییدرکه برچوق محررلر آنتولوژینک دائره شموله آثار عتیقه ، صنایع نفیسه ، جغرافیا ، عالمه ، کنیه ، اساطیر ، مناقب کی مباحثه و کذلک مذاهب ، معماراق ، زراعت مباحثی ایله لهجه و اشتقاق علملرینه و خلاصه انسانک علی الاطلاق مادی و عرفانی انکشافاندن هان هپسنه تعلق ایدن موادک ادخالنی الزام ایتمشلدر . لکن سنین اخیرده نک تدقیقاتیله ثابت اولدینی اوزره آنتولوژی - عملیات جهتیله - اولاد بشریتک کچوردیکی منازل حیاتدن آنجق بعضلرینی موضوع بحث ایدر .

آنتولوژینک دائره شموله ادخال ایدیلن مباحثدن لهجه ایله اشتقاق بوراده بالخاصه قیده شایندرلر . بالاده لسان مباحثی آنتروپولوژینک بر اقدینی صفحه دن آنتولوژینک عهدّه تلقیسنه آلدیغه دائر بر اشارتده بولونمش ایدک . واقعا علی الاطلاق نطق آنتروپولوژی به عائد اولدینی کی لهجه و اشتقاق مسائلی ده عرق مسائلی ایله علاقه دار بولونقلرندن آنتولوژینک ساحه بحثه کیررلر . مع مافیله بی بشری لسان دلالتی وجهله عرقله آیرمق اصولنی طوغری بولمیان علما آزدکلدر . بونلردن بوبوک واک یکی بر اثر صاحبی بولونان فرانسز پروفه سورلرندن (واندری) « لسان » عنوانلی کتابنده دیرکه :

« لسانک تحول اشکالنده تبدلات عرقه نک اجرا ایتدیکي تأثیر هر نه اولورسه اولسون عرق و لسان تبدلاتی ملاحظاتک بر برینه باغلی اولدینی اساسی تثبیت ایدیلنر . ارثی اولان سجایای غریبه یی لسان ، مذهب ، حرب عرفانی کی - زیاده سیله قابل نقل اولان و تحویل و استعاره ایدیلن - مؤسس شیلر ایله قاریشدر مامه لیز . آوروپانک شیمیدی خریطه السنه سنه بر کره نظر مزی عطف ایدرسه ک

[۱] آنتروپولوژی و آنتولوژی مبحثلرنک تدقیقانه متوازیّت چالیشق اقتضا ایتدیکندن طولایلی اولق کرکدرکه انکترده مقدما موجود اولان آنتروپولوژی جمعی ایله آنتولوژی جمعی ۱۸۷۱ سنه سنده توحید ایدلش وایکینکده وظائفی بر فرمان قرالی ایله (آنتروپولوژی مؤسسه یی) عنوانی آلتنده ایشله یی بر هیئت علمییه تودیع اولونمشدر .

قرون وسطا دن بری وقوعه کلمکده در . حتی بعض مؤلفلر داها ایله ری کیده وک یونانی (هه رهدوت) ی اوبابده کی تقسیمک برنجی مؤسسسی دییه توصیف ایدرلر . هه رهدوتک تقسیمانده اتحاد ابتدکی اساس صرف بدنیدر . آنک قولنجه بعض معارکه میدانلرنده قالان مصرلی و ایرانلی مقتوللرک کله لرینی تفریق ممکن اولورمش ؛ زیرا مصرلیلرک قافلری داها آرسهولته قیریلورمش .

عرقلرک تفریقنده لسانیاتی برمعیار تاقی ایتک - که اعتباردن خیلی ساقط برقاعده در - اسکی یونانیلر دورنده تأسس ایتش دنیلور .

ابنای بشرک داها فنی وداها دستوری تقسیمانه تابع طولیسی اون یدنجی قرنک صوکلرندن بری واقع اولمغه باشلامشدر . بوبابده اورتیه سوریلان نظریه لری تدقیقه قالدیشور ایسه که مواجهه مزده انجندن قولایلقله جیقله میه حق برکرداب مباحث پیدا اولور . علمانک مدعیاتی آره سنده کی تعارضلری وحق بعضاً برتک عالمک بیله کندی دلالتی آره سنده کی تضاد آثارینی کوردرک انسان شاشیر . آتروپولوژی مباحثک دائرة تذکرده بولونان قافا طاسی بیجیمی ، ده ری رنگی ، بوزونک شکلی ، صاچک وصفی کی شیلرک علامات عرقیه دن صایلدیغنی وکذلک آنولوژی علمنه عائد تدقیقاندن بولونمق اوزره یالکدر لسانیاتک دکل اوصاف ذهنیه نک دخی عرقی قرابتلره معیار طولدیغنی کوریرزه . بلومهن باخ ، (۱) هیکل (۲) بروقا (۳) کووییه (۴) ها کسلی کی علمانک نقاط مطالعاتی اوکرملک بودرسک داخله کیرمز . بز آنجق عرقی تقسیمات اساسیه ماده سنده الک بسیط واک معروف برجتهی ملاحظه ایتکه حاجت کوریرزه اوده نه تیوپی ، مغولی ، قفقاسی کی صرف اعتباری عنوانلر آلتده ذکر ایدیان بشریت کوکلرینه مستند تجزیات نسیله در .

آنولوژی حقنده یک شموللی معلومات علمیه و فنییه یی حاوی برار صاحبی اولان انکلیز مدقق (کین) بشریت کوکینک شعباتی دیکیلی آغاجلر شکلنده تصویر ایدروشجره

- ۱ — آلمان طبیعونک پیری کیندر . ۱۷۵۲ - ۱۸۴۰ سنه لری آره سنده باشامشدر . اجناس بشری سیاه ، بیاض ، صاری ، قیرمزی کی رنگلر اوزرینه تقسیم ایله مشیدی .
- ۲ — جراتکار انقلابچی نظریه لرله مشهور اون طوقوزنجی قرن آلمان طبیعونندن .
- ۳ — اولجه ذکر اولوندیقی اوزره ۱۸۲۴ - ۱۸۸۰ سنه لری آره سنده باشامشدر . فرانسه دم آتروپولوژی تدریساتک مؤسسسی .
- ۴ — مقایسه تشریح و مستحاضه حیوانی متخصصی ، ۱۷۷۳ - ۱۸۳۸ سنه لری آره سنده باشامشدر .
- ۵ — تحولاتی انکلیز طبیعونک مشهورلرندن ۱۸۲۵ - ۱۸۹۵ سنه لری بیننده باشامشدر .

غالب ویا وصف ضعیفه اسناد ایدیه بیلور. مع مافیه تنبیه دخی عطف اولونقی جائزدر. عثمانی دورینک ائک کوتلی زمانلرنده بیله تورک امراسی حق مرکز حکومتده بیله مواجهه لرنده بولونان طوائف تابعه یه تورکجه یی لسان جماعت اوله رق قبول ایتدیرمک وجیهه سیاسیه سنه اهمیت و پرهمه مشلردی. بوندن طولای غربی آوروپانک قلمبرینی تورکر علیه قرون وسطائی سوء ظنلردن قولایقله تجرید ایدمه یین برخیلی ارباب علومی تورکجه نیک انکشاف عرفانی یه غیر مساعد بردیل اولدینی نظریه سقیمه سفایلی سورمشلردر. بوکا مثال اولمق اوزره بالاده اسمی کچن پارس دارالفنون پروهه سورلردن موسیو (واندری) نیک (لسان) حقنده کی کتابندن شو عجیب سوزلری ارا نه ایدم: بو آدم دیورکه:

« روملرک کندی لسانلرینی فدا ایله متفر بولونقلری فاتحلرک قونوشقلری لسانی قطعاً اتحاد ایله ملرندن طولای روم دیلی عصرلرجه محفوظ قالمشدر. تورکجه هیچ بروقت روجه نیک برینی طومغه قادر اوله مه مشدر. متحکم لریک لسانی یالکیز مقتضیات اداریه ده جای استعمال بولمشدر. بزلسانک شانی آنجق آنک قیمت ذاتیه سی حسبله موجود اولور. روجه ده بو قیمت بولوندیقندن تورکجه نیک قیمت اساسیه سنه زیاده سیله فائدر. فاتحلرک دیلی بولونان تورکجه هیچ ده حراثت عرفانیلی بزلسان دکلد و بنا علیه کندیسندن بیک قات دها زیاده حراثت عرفانیه سی بولونان روجه ایله موقیت اوزره رقابت ایدمه مشدر» [۱]

شیمدی صد اصلی به کله لم:

بنی بشرک تجزی عرقی و تقسیم قومیه سی اجرا ایتمک طولایسیله آنتولوژینک ساحه تدقیقاتنده برحق نظریات و نقاط نظریه تضادلری میدانه کلور. بوا یسه طبیعی مسئله عرقیه بر غیر ناسلک شکلی ویرر. ابنای بشرک علمی صورته تقسیمه ایدیان تشبیلر

[۱] بویکی مدعیات افرنجیه نیک حقیر لئنک محاکمه سی بر طرفه براقلمده ماضینک بزه بعدمادرس عبرت اولوب اوله یه جغی ملاحظه ایدم. غیر مسلم اقوام تابعه بینده دکل حتی کندی جماعت قومیه سنه اسلامیتک نفوذ مزجیه سی طولایسیله منظم اولمغه مستعد بروضیه کیرمش اولان - تورکک غیر - افراد مختلفه یه بیله لسانی قبول ایتدیره جک تشبثاتده بولونمایان اسلاف مؤآخده ایتمه مک قابل دکلد. شیمدیده لسانک صورت تحریری آثارشی یه صو قانلر مزدن بعضری انکشاف لسانی مزک آنجق لاتین حرفلرنک قبولی ایله ممکن اوله جغه دائر مقالطی ملاحظاتی متصل اورته یه سوربورلر. برمک ایچون ترقیسنک اوزته سنده ایکن عصرلرجه کندیسنه مال ایدیندیکی الباقی آتوب یرنه دها مناسب دییه تخیل ایدیان دیگر برالباقی اتحاد ایله مک منطقک، عقلک، علمک دائرلرینه صیفمایان برشی اولور. همده یکیدن حروف اتحادی هنوز حال ابتدائیه بولونان قوملره یاقیشور بر حال اولدینندن بزم ایچون دلدز.

عرقلری غائب اولان اهالی اصلیه اکر قدیم مغوللرک اجداد اوله سی اقسامندن صاییلور ایسه لر بونی اثباته مدار اوله جق دلیل علمیلر هر حالده ضعیف کورینور . اوتقدیرده آمریقا و آسیانک مغولی عنوانی آلتنده کله ییلن کتله لرینک انقسامی تخمینن محال اوله جق قدر اسکی بردوره تحولات ارضیه ده وقوعه کلمشدر . مؤلف (کین) انگلیزجه مشهور بویوک محیط المعارفه (آمریقا ایندیالیلری) [۱] عنوانی آلتنده یازدینی مقاله ده « آمریقایه بی بشرک آسیانک کچمش اولدینی حقنده کی دلائل نه قدر قوتلی صاییلور سه آنک آسیانک آمریقان کچمش اولدینی حقنده سردایدیله یله جک دلائلک دخی اونسبتنده مسموع اوله سی لازم کلور » دیمشدر .

بی بشرک تقسیمات اوله سی صد دنده ایدیلن بی بیانات مناسبیله فرانسزجه لهجه فنون محرولرندن برینک شوسوزلری ذکره ده کر: « بی بشرک عرقلری اختلاطلردن ، مهاجرتلردن طرلانی جزایفا نقطه نظرندن باقیلرجه ترتیبات انسالیه عرض ایتملر . آسیا قطعه سی کبی آوروپا قطعه سنده دخی آتایی طوائف کورولش ، آسیا کبی آفریقاده دخی انسال سامیه منسوبینی بولولمش ، آسیا کبی اوقیانوس الکلرنده دخی احزاب زنجیه یه تصادف ایدلمشدر . » ینه بو مناسبته اون سکزنجی قرنک فرانسز علمای طبعیونندن مشهور Buffon نک [۲] بوتقسیمات خصوصنده کی عسرته ایماء سویله دیک شو سوز شایان دقدر: « انسانک جنسلری ، تربیلری ، صنفلری آنجق خیالاتزده قطعیتله موجوددر . »

تدقیقات متأخره بوفونک بومستزیه ادعاسنک بطالانی اثبات ایده جک بک چوق حقایق میدانه کتورمه مشدر . فی الواقع احتلاطلر ، امتزاجلر ، استیلار ، مهاجرتلر طولایسیله یکی اقلیملرک احوال متضاده سنک ویکی اصول حیایه ده کی تخالفلرک ، یکی جواریتلرده کی اشکال متباینه نک عرقت متقدمه اوزرنده وجوده کتوردکلری تبدلات ایله بی بشرک کتله لرینک قطعیتله تصدیقنده بویوک مغایقتلر حدوشه سبب اولدقلری بدیهدر .

استطراد :

آوروپانک مختلف یرلرندن یکی دنیا یه اوتدن بری مهاجرت آقینلری وقوعه کلدیکی

[۱] « ایندیالیلر » تعبرینک غریبه کی وجه معنایی حقنده کوچوک لاروس دیرکه :

Christophe Colomb' abondant en Amerique, crut decouvrir un prolongement de l'inde' ce quie fit donner le nom general d'indiens aux peuples indigenes des deux ameriques . ils forme le fond de la race rouge .

[۲] Buffon متفن ، متفکر ، محرر بلوغ البیان اولقله شهرتشاردر ۱۷۰۷ - ۱۷۸۸ آره سنده

طعامشیدی .

بشریتدن مثلث قولار چیقارار و هر قوله شعبات عرقیه بی مثل دالار و فروعات نسایه بی حای چوبوقلر چیزر . علم احوال بشرک علم طبقات الارض ایله اولان مناسبات اصلیه سنه دائر بالاده بر اشارتده بولونمشیدک . ایشته قطعات و ساحات ارضیه نیک پک اوزون عصرلر سورن تحولات عتیقه سی صیره لرنده یعنی قازه لر صولره باتوب چیقیدینی و اولجه متصل بولونان قطعه لر انفق کاک ایتدیکی و بناء علیه اقلیم لر ده کیشیدیکی دوره لرده نو عمامه تشابه النوع بولونان نباتات و ایاجناس حیوانات مثلاً [۱] کره ارض اوزرینه متصل سرپیلوب طاعیلان مختلف بی بشر عرقلری آره سنده دخی بونجه فروعات انسایه وجوده کلشدر .

اولجه ده اشارت ایدلیدیکی اوزره بی بشر عرقلری عمومی بعض عنوانلر آلتنده تقسیمات اصلیه به تابع طوئیشلردر . نه تیوپی ، قفقاسی ، مغولی کی فقط بونلر اعتباری تعبیرلردر . مثلاً قفقاسی سوزی بزم بیلدیکمز قفقاسیالیرک اجداد اولیه سی افهام ایتمز . آلمان طبعیونوندن برینک آنتروبولوژی تدقیقاتنده بولوندینی صیره ده بوتعبیری بی بشرک پک مهم و پک بویوک قسمنه ویرمه سیله حصوله کلشدر . کذلک (نه تیوپی) - که حبشی دییه لسانمزه ترجمه ایدیله بیلور - یالکز بوو یا شو آفریقا طائفه لرینه دکل دنیا نیک زنجی و شبه زنجی صاییلان نیجه طاعنیک عرقلرینه ، نسلارینه شامل اولور ؛ و کذلک مغولی اسمیه یاد ایدیله بیلان عرقلر - که یالکز بزم بیلدیکمز و بعضلر مرکز نسلار بی اسناد ایتدکری مغول طائفه سی دیمک دکلدر ؛ طبعیات عالم لرینک لاینججه اوله رق Homo Mongolicus دییه افاده ایتدکری سوزک مقابلیدر که پک طاعنیک فروعات عرقیه تمثیل ایدر . باشلیجه لری تاناری ، تپق هند جینی ، اوقیانوسی اولق اوزره توصیف ایدیلورلر .

تاریخ مدنیتجه اک مهم بشریت دالی اولان قفقاسی ایکی اصلیه تابع طوئیش و بونلردن برینه آچیق بیاض Xanthochroi دیکرینه قویو بیاض Melanochroi اسمی ویرلشدر [۲] ایلریده اسلام کتله لری بختنده ایلاک نظر دقتمز ی جلب ایسه جک اولان سامی و حیطی عرقلری قفقاسینک قویو رنگلی شعبه سنه منسوب صاییلورلر .

بعض مؤاقلر بشرک احزاب اولیه سی آره سنده برده آمریقا حزبی ذکر ایدرلر که بوکا مغولی آمریقای دخی دینله بیلور . آمریقا یکی دنیا شکلنی آلدقن صوکر یا واش با واش [۱] آسیا - آفریقا ، اروپا - آمریقا ، آفریقانک جنوب شرقیسی - هندستان ، آسیانک جنوب شرقیسی - آوسترالیا و بویوک محیطلرده کی قطعات آره سنده بوقیل تحولات ارضیه وجود بولش

[۲] انگیز علمای طبعیونوندن ها کسلی نیک احداث ایله دیی تعبیراتندرلر .

آسیانك شرقى و شمال شرقى جهتلرى و آمریقا قطعہسى - كه بونلرك نقاط متقاربهسى يك اوزاق برماضیده ملاصق فرض اولوندىنى اولجه سويلمىشدی - مغولى كوكدن صاییلان طوائفه سكنا اولمىشدی. بوطوائفك دخى برعائله السنهك متعدد شعباتى استعمال ایتدكلىرى ظن ایدیلور.

برقسم کثیرینه زنجی دینیان اسودى طائفه لر آفریقا ایله اقالیم حاره دن بولونان ممالك متعدده یه سر پیلمشلردر. بونلرده باشقه باشقه اصللردن صدورایدن وسائط تکلمه مالکدرلر. قفقاسی عنوان عمومىسی آئنده معروف اولان بشریت كوكنك شمالیسی ایله اسودى كوكدن کلنلرك مكانلری آرمسندہ کی ممالکده ساکن اولاد انسانده (قفقاسی جنوبی) ویا (بحر سفید عرقلری) اسمی ویرلشدر. آیری آیری دالره انشعاب ایدن بوقسم انسانی منسوبلرینك دخى آیری آیری لسانلری بولونمشدر. بونده اولجه بیان ایتدیکمز قویوبیاض Melanochoiro نامیله معروف اجزاب بشر داخلدر. (خمیطی) وسامیه صنفلرینه منسوب اولان قوملر بومیانده داخل بولونورلر.

سومعیدار سوز (آنولوژی) مبحثی مناسبتیله سويلمىشد: « مشکلاتی اعتراف ایدیلان بویه بر موضوعك يك بویوك قارغشه لقلری آرمسندہ داهاز یاده شایان اعتماد بررهر بولونمق لازم کاور. » ایشه ابنای بشری مطرد برقاعده دارمسنده تصنیفه چالیشانلرك بعضلری اوبابده اوغرادقلری مشکلاتدن طولایى آنلری (جغرافی جزبلر) دینیله بیله جك بر صورتده بیله تقسیمه مجبور قالمشلردر. جسمك ده ریسی کبی صاحی و برونك شکلی بیله تقسیمه معیار اساسی طوتانلر بولونمشدر. مع هذا عرقى علائدن صاییلحق ایسته نیان اشکال جسمانیه نك جوق کره شخصی قیافتنامه دن عبارت قالدینی ده کورلمشدر. برده ابنای بشرک جهانك اجزاسی اوزرنده کی سریتیلرخی الوانه کوره ایضی ، اصیفری ، اسودى احمرى کبی تقسیماته تابع طوتانلرك قوللری دخى یکده دقتی جلب اتمه جك درجه ده غیرفی کورلمشدر. بالاده قفقاسی عرقلک Melanochnoi (قویوبیاض) نامیله تفریق ایدلش اولان جنوبی شعبه سنده (خمیطی) وسامیه عرقلرینك داخل اولدیقه دائر برارشارتده بولونمش ایدک. بز بوموضوعده (سامی) دینیان عرقى بر اهمیت متقدمه ایله تلقی ایده جکمز. (سامی) دینیان عرقى موجودیت اعتباریله ایکی یه آیریلور: قدیم و متأخر. اسکی اقوام سامیه آرمسندہ معروف اولانلر شونلردر: عراقک آنوریلری، سوریه و خطط متجاورہ سنك کلدانیلری - که بونك شعباتی قسماً آشاغی فرات حوالیسندہ و قسماً فلسطین حوالیسندہ بولونورلر ایدی؛

معلومدر [۱] جواهر مجتمعه حکومتی بوندن تقریباً یکرمی سنه قدر مقدم آوروپادن کلن قومیتلری متخالف اولان اشخاص مهاجره نك احوالی تدقیق ایچون بر قومیسئون تشکیل ایتدیرمش ایدی. بوقومیسئون آمریقانك اسکی بریلرندن بولونان و (قیرمزی ده ریلی) ویا (قیرمزی ایندیالی) دییه یاد ایدیلن طائفه لری حقنده کی تدقیقایله معروف (بواس) نام آنتروپولوژی متخصصنك ریاستنده چالیشمش. بوقومیسئونك اصدار ایتدیکی لایحه نك (حضرت عیسی و عرقلر مسئله سی) عنوانیله بر انکلین پاپاسنك یازدیغی کتابده کوریلن برقره سی شایان دقت اولقله التقاطی مناسبدر ظن ایدم. فقره شودر :

« آوروپا قطعه سیندن آمریقایه کانلرک یکی اقلیم ویکی مجاورت نفوذلری آلتنده عرقی و جسمی ماهیتلری بقا بولم یور؛ حق ابونك وصولندن برقاچ سنه صوکره طوغان چو حقلر بیله اصلاً آوروپالی بولونان بوکیمسه لر ایله مقایسه ایدلد کده اساسلی فرقلر اظهارایله یورلر. بونلرک جسملرندن هر بر قسمی وحق قافا طاسی [۲] بیله - که دائماً ارثی بر فارقه ماده و جسمیه اوله رق ملاحظه ایدلشددر - متأثر اولویور. »

صدده رجوع ایدلم :

بعض ارباب تدقیقک تخمیننجه آوروپانك شمال شرقیسی ایله آسیانك شمال غربیسی يك اوزاق برماضیده باشند باشه قفقاسی دینیلن طوائف بشره سکنا اولمشیدی. اولجه ده اشارت ایدلدیکی اوزره بونلرک آجیق رنگلی قفقاسیونندن مرکب بولونم لری اقتضا ایدر. بونلر صوکره دن اشعابات واسعه یه اوغرامشلردر؛ بعضلرینك لسانلرینك صنفه ده (آریهن) دنیلمشدر. عرقه دکل لسانه عاندیجا داها طوغری اولان بوتعبیر صوکره لری (ایندو اوروپن) شککنده دخی ذکر ایدیلور اولمشدر. (آریهن) صنفندن بولونان سلسله السنیه هندستانك اسکی بریلی اولان (سانسقریت) داخل اولدینی کی اسکی یونانی ولاتینجه دخی داخل بولونورلر. کذلک زمانه زده (آریهن) صنفه آسیانك فارسکی بعض لسانلری ایله آوروپانك متعدد السنه سی ادخال ایدرلر.

[۱] مهاجرت ایچون هر مملکته مخصوص بر عدد سنوی لیسته سی تعیین ایدلشددر. آسیادن کلن مهاجرت جریانلری اوزرنه آمریکا مأمورلری داها شدتلی قییدات وضع ایدرلر. [۲] آنتروپولوژی اربابنك عرقیت معیارلرندن تلی ایتدکاری قافا طاسی مناسبیله (آرانده یل) اسمندم نکره کو برانکلرک فی قوتله لر دن برنده سویله دیکی شوسوز بک عجیبدر: « اک اوقاتی نقطه سنه قدر بغایت مدققانه صورتده اجرا ایدیلن قافا طاسی اولجه سی عملیاتی احتمالک صاچلرک برهفته لی قدر بویومه سیله آلت اوست ایدلش اوله بیلر ! »

ینه ابداع مدنیت ماده سی مناسبته ذکر ایدلک لازم که چکی اوزره تقسیمات اصلیه وفرعیه وجهله تصنیف ایدیلان اینای انسان مدنیت حسیاتنک ایلک انکشافاتی صیره لرنده اوتوده بروده طایفه جق برشی آرامش و آتی بولمشدر. مبادیده ، نانپرست ، نجمپرست ، حیوانپرست و خلاصه اشیا پرست اولمش ؛ [۱] حال بووجهله ایکن انسانیتک انکشافاتی منازل کاله طوغری کیتدکجه اباطیاپرستلک جاذبه سی شوویا بوجهتده تأثیراتی غائب ایدر اولمش وعاقبت شجره بشردن قفقاسی دییه تسمیه اولونان کوکک جنوب قولینک شعبانندن بولونان و(سامیه) دینیان اجناس آدمیت آره سنده نظام روحانینک ادراک عمیقی ایله علاقه دار بر فلسفه علویه وجود بولمشدر ، ایمی طوائف سامیه منسوبلری آره سنده ایدی که الوهیته دائر اولان ذهاب انسانی تعالی ایدوب کیمش وعاقبت - سلسله تکملات وجهله - موسویت ، عیسویت ، اسلامیت میدانه کلشدر. آلمان مستشرق شهری (تهئودورنوله که) اسلامیق مذاهب سامیه نک منطقی صورتده تکمل ایتش برشکلی دییه توصیف ایدر. واقعا بوکی بر بحثک ایضاحاتی تاریخ ادیان وفلسفه ادیان درس لرینه عائددر ؛ آنجق «اقوام اسلامیه نک آنسو غرافیه سی» درسک مدخلنده اوباید راشارتده بولونمق خارج صدد صایلماز ؛ زیرا صوکرده دن بونجه اقوام افرادینک الهامات روحانیه ومدنییه آلمسته مدار اولان اسلامیتک صدوری عروق سامیه یه یه مکان اولان برجهت ارضده وقوع بولمشدر .

* *

آنسو غرافی

- ۳ -

آنتروپولوژی وآنسولوژی حقنده بالاده ملخصاً ویریان بعض ایضاحاتدن صوکرده اصل موضوعمه یعنی (اقوام اسلامیه نک آنسو غرافیه سی) مباحثه یاقلاشمش اولدق . مع هذا

بری طرفندن شرق وغربده استعماله صالح صورتده نشر ایدلش واوزمان عتیقدن بری مختلف ملتلر آنک صوکرده دن حصوله کلن اشکالی مختلف قالبلره صوقه رق کندیلرینه مال ایدنملشدر. هرملتک فصرلردن بری قوللانه کلدیکی حروف اوملتک کندی مالی اولمش دیمکدر. بناءً علیه تورکجهده الیوم مستعمل اولان حروف عربک دکل تورکک مالیدر .

[۱] تبعداباطیلدن مابعدا قومیت اصلیه یی نسبتدن عبارت برحال تقدیس داهها وارددره لسانمه دخی عیناً نقل ایدلش اولان (توتهمیزم) بحثه داخلدر . توتهمیزم آسیادن زیاده آمریقاده کی طوائف اصلیه آره سنده ، آوسترالیا ده ، بویوک انجار بعیده نک برچوق آطله لرنده موجوددر. آسیاده اصلاً تورک صاییلان یاقوت طائفه سی آره سنده وارددر. تورکدره کی بوز قورت ماصالی آمریقادن آسیابه کلش فرض اولونور . آمریقا اندیالارندن پروکوا طائفه سنده قورت و آیی (توتهم) دره

كذلك فينكلر ، اسكى عبرانيلر ، قارنازليلر وسائر اوقاق بعض شعبات . شعبه ساميه نك متأخر قوملرينى باشليجه يهوديلر ايله عربلر تمثيل ايدرلر .

بنی اسرائیل احفادینک اکثریت عظیمه سی اعصار متأخره ده غربلیشمش اولدینی کی سیجایا ، اوصاف ، شمائل قدیمه یی خیلی غائب ایتمشدر . مع مافیه غربده بوقدر ساکن بولونمهلرینه ، بوقدر قان قاریشدرمش اولملرینه رغماً یهودیلکی عیان اولان جماعاته (سه میتیق) یعنی سامی اطلاق ایدلمکده در . حال بوکه اونده طوقوزی غرب عالمده یاشایان یهودیلرک - برچوق یرلرده معین وکندیلرینه خاص شکلکلی بولونمقله برابر - اصلی صاییلان اوصاف شرقیه ایلهداها طوغریسی آسیایه ايله علاقه لری قالمش کییدروینه اقوام سامیه دن بولونان عربلر ايله وجوه افتراقیه لری داها عالم نصرانیت ايله احتلاطلرندن خیلی زمان اول وقوعه کلکه باشلامشیدی .

اقوام سامیه نك بجمزده درجه اولاده براهمیتله تلقی ایدلمه سی شووجهله توضیح اولونه ییلور : مدنیت بشریه نك اساسی قورمه غه باشلیجه خدمت ایدن اولاد انسان ایشته اوعرق سامی دینیلن دالان منسبدر . اقوام سامیه یه منسوب اولان انسانلر یابانی بولونان اخزاب بشریت افرادی آره سنده عرفان غرس وحرثنه خادم اولمشلرو یعنی مدنیت احکامی وضعنده براستعداد مبدعانه کوسترمشلردر . زمانه کوره تشکیلاتی قدرت اداره ، ثروت مدخره ، معلومات مسجله ، مهارت صنایع - نیل وادیسنده دخی واقع اولدینی اوزره - دجله وفرات حوالیسنده مظهر فیض بولونمش اولان حرث عرفانیدن ایلری کلشدر .

استطراد :

یوقاریده کی فقره ده کچن « معلومات مسجله » تعیری مناسبتیه یازینک حدوث وشیوع مدنیه اولان خدمت ضروریه سنک ماهیتنده کی اهمیتک درجه سی تبارز ایدر . نك عتیق دورلرک علامات تسجیلیه سی ومثلاً مصر قدیمک (هیروغولیف) اسخی ویریان اشارات تحریریه سی اسکی طوائف سامیه ساده لشدیرمکه میل ایتمشلرو بوتشبت تقلیکارانه ده بولونانلرک اثرلرینه اتباعاً وجوده کتوریلن خروفدن داها آرمغلق صورته اوله رق حصوله کلن الفبادن دخی تغیرات زمانیه ومکانیه وجهله دیگر الفبالر ظهوره کلش و حتی بالآخره آوروپاده مستعمل اولان الفبا شکلکلی بیه اصلاً آنلردن ملتقط اولمش دینیلور . [۱]

[۱] الفبا شکلکلی یعنی حروف مسئله سی شیمدی بزده براهمیت فوق العاده کسب ایلهدی . دنیا ده کی اشکال حروفیه حاضره اساس جهتیه نقوش مشعره قدیمه دن ملهم اولدقدن صوکره اسکی اقوام سامیه دن

جوبیانانه نظراً آنسوغرافی زمینک تنبی - مدخلده تقدیماً بحث ایله مش اولدیغمز آنسولوژی وعلی الخصوص آنسوبولوژی ده واقع اولدیگی کی - اویله علم تشریحیه ، بیولوژی به تعلق ایدن نقاط و مواد قیه نک ملاحظه سنه محتاج دکلدر . آنسوغرافی ده زمین بحث ، تاریخی معلومات وجهله عرقلرک - داها طوغریسی قوملرک - موضعی ، اجتماعی ، عرفانی و بعضاً سیاسی و اقتصادی صفحات حیاتی سنه مختص قالور . اسکی طبعیوندن اولجه اسمی ذکر ایتدیگمز (پول بروقا) آنسوغرافی بی آنسوبولوژی ایچون برتمم تلقی ایتمکه برابر بومبخی جغرافیا ، تاریخ ، فلسفه ، لسانیات کی علومک دخی کندی فروغاندن صایه یله چکی سویلر .

کچن فقره لردن برنده آنسولوژی ایله آنسوغرافی تعبیرلرینی بربرینک معناسنده استعمال ایدنر بولوندیغه اشارت ایتشیدک . بزده دخی فرنکجه اولان (اتنیق) ایله (آنسوغرافی) سوزلرینک معنارینی آبی تفریق ایتمینلر بولونیور . بزبرنجیسنی عرقی ویا عرقیتدن منبعث ویا خود عرقته متعلق شیلر وایکنجیسنی برخلقک اصلیتندن واحوال اجتماعیه سندن منبعث اولان ویا آنلره متعلق بولونان شیلر دییه تفسیر ایده جکمز . معنای عنوانی خطالی صورتده تلقی ایدنلرجه « اقوام اسلامیه نک آنسوغرافیسی » سوزی معین برنجی مشعر صایلمه یه بیلور . فی الواقع اسلامیتده مختلف دیارلره شامل اولان شی ، جسم عرقی دکل دهای روحانیدر . لکن شوراسی ده تمیز ایدمک لازم کلورکه آنسوغرافی دیدیکمز شی تشکلات عضویه رابطه لرندن تعبیر دیگرله روابط جسمیه دن آزاده صورتده مختلف احزاب ناسدن بحث ایدر ؛ یعنی بوراده آنسوغرافینک اصل بحث ایده جکی شی عرقلرک دکل قوملرک احوالیدر . (پول بروقا) کی طبیعات عالمی عرق و قوم ماده - لرینک ساحه لرینی داها بدایتدن آیرمشلردی . عرق مسائلنی (آنسولوژی) کندی دائرة بحثیه آلدینی کی (آنسوغرافی) دخی قوم مسئله لرینه زمین بحث عرض ایدر . آنسوغرافینک حقیقصدی متعدد قوملرک بربرلردن مستقل وضعیتده تلقیلریدر . خلاصه آنسوغرافی (قوم) نامی آلتنده ذکر ایدیه بیان ناس کتله لرینک اجتماعی ، سنجیوی ، سیاسی کی وضعیتلریله اشتغال ایدر .

مادامکه عرق و قوم کلمه لری آرمه سنده کی فرقدن بحث ایتدک ؛ آرتق ابنای انسانک درجات انشعابی حقنده برتدیقه بولونمغه لزوم حس ایدمرز . آنسوغرافیجه انشعابک درجه لری بعض عنوانلر آلتنده طائمشلردر . بو عنوانلری ویا عنوان شکلنده اولق اوزره

موضوع اصلینک موادی اوزرینه تجریات و تدقیقاتده بولونمازدن اول علی الاطلاق (آنوگرافی) به دائر بعض بیانات مقدمه اجرائی لازم کاور. (آنوگرافی) تعیری غرب علمایی طرفندن اون سکزنجی قرق میلادینک صوکارنده احداث ایدلشیدی. لسانزده - بعضاً آنوگرافیا صورتنده استعمالی التزام ایدیلن - بو سوزک افهام ایتدیکی شی همزجه معلومدر؛ لکن اکثریله بیلدیکمز شی بو سوزک آنجق معنای سطحیسیدر. بناءً علیه بونک مفهوم علمیسی حقنده استیضاحه حاجت حس ایدموز. توضیح معنا ایچون المزده کی لغت کتابلرندن برقاچه شویله بریا قیورم :-

فرانسزجه لغتلك (معروفی بولونان کوچوك (لاروس) آنوگرافی تعیرینک ایکی یونانی کلمه دن ترکیب ایتدیکی کوسته در؛ بونلرده (آنوس) ایله (غرافه ین) سوزلریدر. آنوس - آنولوژی بحثنده دخی کوردیکمز وجهنه - خلق، اُمت، اهالی کی سوزلرله تفسیر اولونه ییلور؛ غرافه ین کلمسی ایسه تحریر و تسطیری بیان ایدر. مذکور لغت کتابنه فطراً آنوگرافی تعیری شویله ایضاح ایدیله ییلور: «مختلف امتلری - فعالیت ماده لرینک تظاهری جهتندن - تتبع و تعریف ایتمکدر». کندی نژدمده بولونان انکلیزجه بر لغت کتابنه [۱] نظراً آنوگرافی «کره ارضک اقوامنک علمی صورتده تعریفی» در. شمس الدین سامی مرحومک فرانسزجه دن تورکجه یه اولان لغتنده بو تعیرک افهام ایتدیکی شی «امم و اقوامک تقسیماتندن و هر برینک نژم لرده ساکن بولوندیغندن و طبایع ممیزه لرینک نژم لردن عبارت اولدیغندن باحت علم» در.

آنوگرافی «حدود عرقه نك، طائفه لك، عشیره لك علمی صورتده تعین هویتلرینه مخصوص بر بحث» دییه توصیف ایدنلرده واردر.

آنرولوژی علمی ادبایی طرفندن بشرک انکشافات طبیعه سنه دائر تعین ایدلش اولان ساحه بحثک خارجنده بولونمق اوزره آنوگرافی ادبایی محض حکمت و الهیاتک تمیز ایتدیکی روحلی و وجدانی نجی بشر حزبلرله مشغول اولور. آنولوژی حقنده مفصل بر اثر مؤلفی بولونان (کین) نام ذات آنوگرافی ایچون «فن دکل برنوع ادبیاتدر» [۲]، دییور.

[۱] Chamber Dictionary

[۲] ادبیات سوزینک بزده شیمدی به قدر قوللانیلدینی معنی يك طار ایدی؛ آثار شعریه و یا شاعرانه محررات تثریه و حتی بعض فضلجه حساس کیمسه لك دوشونجه لرنی طمطراقی لافلرله ترین ایتک ایسته دکاری یازیلر معنا سنده قوللانیلشیدی. شیمدی باشقه لسانلرده اولدینی کی ادبیات کلمه سنک معنایی لسانزده دخی شمولی صورتده آکلاشمقده در: ادبیات شعریه، ادبیات تاریخیه، ادبیات ینیه، ادبیات سیاسیه کی تمیزلر هر کون چیقان یازیلر مزده کورلمکده در.

اسلامیتده عرق وقوم

درسمرک عنوانی اولان (اقوام اسلامیه آننوگرافیسی) اوج سوزدن ترکیب ایدیور. بونلردن آننوگرافی وقوم کلهلری حقنده ایدیلن بیانات مقصدی ایضاحه کافی کلمشدزظن ایدهرم. شیمدی برارده عرقیت وقومیته اولان نسبی جهتدن (اسلام) سوزی حقنده ملاحظاتده بولونلم.

اول امرده شویله برسؤال وارد اوله بیلور: کره ارضک برچوق جهتلرنده ساکن اولان ومختلف عرقدن کان بشریت کتله لرینه منسوب حدسز حسابسز افرادی عیله اسلامیت دائره انتسابنه فصل آله بیلدی؟

بومشله نیک تدقیقی ایله الک بیطر فانه مشغول اولان انکلیز مستشرق فاضلی پروفه سور (آرنولد) «موعظه اسلامیه» عنوانی کتابنده [۱] اسلامیتی (ماکس موللر) نام عالمک قولله اتباعاً دنیا نیک میسیونره لی دینلرندن صایار؛ حال بوکه میسیونره لک دینلن شی - غرب خرسیتیانلی کنیسالرنیک [۲] فعالیتلرندن آکلایه بیلدیکمزه کوره - کفایتی، قوتلی، منتظم تشکیلاته استناد ایدر. اسلام جهاننیک هیج برینده تشکیلات مقتدره لی میسیونره لکلر کوروله مشدر. شوقدرکه «هرآئی مسلمان کنایه باشنه بر میسیونره در» سوزنده بویوک برخاصه حقیقت وارد. صمیمیتله دیندار اولان مسلمانلردن برچوقلری اسکیدن - وبعض مملکتلرده بوکون بیله [۳] اسلامیتک نشری ایچون چالیشمشلردر. اسلامیت کنیدیسنه خاص اولان احکام اجتماعیه نیک تأثیراتیلده طوغریدن طوغریه سالکلر جذب ایدر. بوتون ادیان ملهمه اولاد انسانیت ایچوندر. ایمدی انسانیت سکنا اولان یلر اسلامیته دخی سکنا اوله بیلورلر. علوی برهؤسسّه دینه ده دهای زوحانی بولونور؛ اسلامیتده ایسه بودهای روحانیتک بالغاً ماباغ موجود اولدیغنی غرضکار اولمایان هر فرد مدرک و عارف تسلیم ایدر.

[۱] بوکتاب طرف عاجزیدن لسانمزه ترجمه ایدلش وناشرینک آرزوسی وجهله (انتشار اسلام تاریخی) عنوان جدیدی آلتنده میدان قرائته قونمشدر.

[۲] فرانسیزجه (Eglise) وانکلیزجه (Church) کلهلرنیک ایکی دورلو معنایه کلدکلری معلومدر. بوکلهلر هم معبد همده مؤسسّه مذهبیّه معنارینی افاده ایدرلر. اسلامیتده رهبانیت بولومدیغندن الله ایله قولی آره سندّه توسطه خادم بر مؤسسّه مذهبیّه ده یوقدر. خرسیتیانلغک معبد معناسنه کن (Eglise) کلهسنی «کلیسا» ومؤسسّه مذهبیّه معناسنه کن (Eglise) تعبریخی ده «کنیسا» دییه تقریق ایتک مناسبدر ظن ایدرم.

[۳] هندستانده بعض مسلمانلرک و خاصه احمدیلرک بوباده کی فعالیتلر شایان تقدیردر.

قولالايان تعبيرلى بعض علما ايكيه تقسيم ايدييورلر و بر قسمنه « معين » ديكر قسمنه ده « غير معين » دييورلر. معين اولانلر « قرابت » موجودتى حقنده ذهنه بر فكرالقا ايديورلر. بونلر آره سنه عرق ، عائله ، شعبه ، نسب ، عشيرت ، طائفه كي تعبيرلر ادخال ايديله ييورلر. غير معين اولانلر كلنجه: بونلر « قرابت » فكرينى احتوا ايتزلر و باشليجلرى شونلر دورته جماعت ، حزب ، سكنه ، اهالى ، ملت ، قوم .

بومعین و غیر معین تعبيرلردن بحثمزده الكرياده استعماللرينه حاجت كوريلنلر شونلر دورته عرق ، قوم ، ملت . « عرق » اصلاً بر كو كدن مشتركاً كلمت معناسى تضمن ايدير و بناء عليه اساساً برقان وحدتى افاده ايلر ؛ يعنى اصلينده بر ويا عين عائله دن انبعث ايتك ويا انبعث ايدلديكى فرض اولونمق ديمكدر. قاريشيق اولان و بعضاً فرضياته مستند بولونان « عروق بشریت » مسئله سنك تحليل و تعيينى آنسوغرافى يه عائد اولماز . ديكر طرفدن دخی آنسوغرافى يه عائد اولان « قوم » سوزى اولدقجه اعوجاجلى بر تعبيردر ؛ اولاد بشريتدن بويوك بر قسمك فروعات مرتبطه سنى افاده ايتك اوزره قولالاييلور . « قوم » كلمه سنى « ملت » سوزيله قاريشدير ماق لازم كلور. بونك برنجيسى ايكنجه بسندن داها واسع و داها شموللى بر معنائى حاوى اولور . « قوم » - كرك برلكده ياشايه بيان كرك باشقه باشقه حاكيتلرك حوزه تابعيتلرنده كي ناس كتله لرينى محيط اولان - بر جماعت شامله بولونمق اوزره ملندن تفريق ايديله ييلور . ملت ايسه معين بروطنك بوتون اولادنن مركب اولان خلقى احتوا ايدر . تعبير آخرله معين بر مملكت ايچنده معين بر حاكيتيه و معين اصول سياسيه يه تبعاً ياشايان خلقك همىنى شامل بولونور . بناء عليه وحدت مليه ، مماثلت اصلية عرقيه معناسى تضمن ايتز . مع مافيه بويله بر خلق ويا اهالى آره سننده اصليت عرقيه وحدتى بولونماش اولسه بيله او خلقك عناصر مشتمله سنى تدريجى صورتده مزج ايتمه سى طوللا - يدييله عرقى آكديرر بروحدته طوغرى كيتمه سى اوزرينه هموصفلق (Type) حصوله كلور ؛ چونكه كافى درجه ده اوزون مدت بر اداره سياسيه يه تابع قالمقن طولايى « ملت » وحدت ظاهريه يه ، عادات اجتماعيه نك بر معيار مشتركه ، متشابه منافع و آماله ، مشترك ادبيات و جوق كره عين ديانت [۱] مالك بولونور .

[۱] بزده اسكيدن باشقه باشقه قوملره منسوب تبعه نك جذب قلوبيله مليت حا كدزه تقليبنه اك جوق حامل اولان شى ديانت بولونمشيدى ؛ اسلامه كله ين افراد تبعه ايسه تورك مليتيله بالطبع قايناشه مابوردى - اسلاميتك ملت نك نزاد افراديه بك بويوك ياردى طوقونديغينده جدى اولان ارباب تدقيقه نك جمله سى ده متفق الر ايدر .

بوراده اسلامیت و عرق مسئله سی مناسبتله استطراداً سویله جک بر نقطه داها وارد در؛
 شویله که: مدنی برجیات تعقینده علی الاطلاق بی بشر افرادینک سلوکلرینه معروض
 بولونان بونجه مدهبلر آره سنده دورلو دورلو اقوام بشریه افرادینی مختلف اقطار جهانده
 صرف بالذاته حائر اولدینی فتود معنویک تأثیریه دائره انتسابنه جلب ایتمش اولان
 و بر جوق یرلرده - بعض نصرانیت غربیه مرکز لرنده بیله - حالاده جلب ایتمکده بولونان
 اسلامیتی «عرب دینی» دییه تخصیصاً توصیفه قالدیشانلر من کوریلور . اورته به سوریان
 یوقول مجرد هیچ شبهه یوقدر که ارباب علم و ادراک ذره قدر قیمت تلقی عطف ایدمه به جکی
 هزیان سوزلردندر . جهانشمول مذاهب آره سنده اسلامیتک الک زیاده کندی . فتودیه متعدد
 اقوام بشر آره سنده قائم اولدینی انکار و اعراضه هیچ ده کلمه ی حقیقتلردندر .

اسلامیت داها بدایت ظهوری دینیه جک سنه لر ایچنده حدود عرقیه یی آشوب یک
 اوزاق یرلرده کی طوائف بشرک محیطلرینه قدر طاشوب کیتمشدی . پروفه سور (آرنولد)ک
 یک محق اوله رق دیدیکی اوزره رسول السلام - فتوحات مسلکک عربلر طرفندن
 انخازندن داها اول - اسلامیتک عرب قومنه مختص قاله مه به جغنی صراحة تعیین ایتمشدی .
 اسلامیتک بین الامم بر صفت مقبولیتی حائر مؤسسات معنویه واجتماعیه دن بولوندینی
 متعرف بر جوق غرب مدققلری وارد . بو اعترافک صوک مثاللرندن بری یک زیاده
 شایان دقت اولدیفندن بوجه آتی نقل ایدیلور :

«بین المللی میسیونرلک» عنوانی آئنده کی آنغولوسفون رهبانیتی مؤسسسه سنک اسلامیتی
 حارصق قصدیه نشر ایتمکده اولدینی آثار آره سنده اخیراً (بوکونی اسلام جهانی)
 دییه بر کتاب چیقمشدر . هر بر فصلی صاحب علم و تجربه برپایاس و بابایاس ذهینتی محرز
 طرفندن یازمش اولان بوائزک «اسلامیت و مسئله عرقیت» نام فصلی انطاق حق قبیلندن
 اولمق اوزره هولاندالی مستشرق معروف (ایشنوق هوورغونیه) به یازدیرلمشدر . [۱]
 بو محرز مذکور فصلده دیر که : سجه ، بر آدمک طوغمه سندن اولمه سنه قدر یاقه یی
 قورتاره مادینی برشیدر و کره ارض سکنه سنک ترایدی ایله مسافات جهانک - یکی واسطه لر
 طولایسیله - قیصالمه سی آتی قریبده عرق اختلافک داها زیاده چیتله شه جکله قطعی علامتله
 تشکیل ایدر . قنون عرقیت بومسئله نک وضوحه تنظیمنده بز معین اولمه به جق درجه ده
 یکی بحثلردر . واقعا آنزوپولوژی ، مقایسه السنه علمی ، آنزولوژی و سائر عرقیت فلرینک
 محرارینی تعیینه خامدرلر ؛ فقط قنونک وضع ایتدیکی عرقیت معیارلری دائما ده کیشوب

اسلاميت عرق، لسان، رنگ فرقلری کي شیری احوت انسانیه یولنده عارضه اوله رق تاقی ایتش اولدیغندن ساحه اجتماعیه سنده آنله بر بر اقامشدی. نیته کیم بو کیفیت شوآیت کریمه دن استنتاج ایدیه بیلور :

ومن آیاته خلق السموات والارض واختلاف السننکم والوانکم ان فی ذلك للآیات للعالمین
اسلامیت نفوذ روحانیسی شو ویا بوقطعه عالم سکنه سی، شو ویا بو عرق بشر منسوبلری ایچون دکل بوتون انسانیتک اختیاری ایچون عرض ایتشد. بناء علیه علوی بر دین طومق ایستین اولاد انساندن بر جوقلری آتی قبول ایده بیلورلر؛ نیته کیم بو بیانات شو اوج آیت کریمه نک معنایرینک دلالترلیه ثبوت بولور :

لا اکرام فی الدین. ان فی هذا لبلاغاً لقوم عابدين. وما ارسلناک الا کافة للناس بشیراً ونذیر
بوتون افراد انسانیه یی نفوذ مذهبلری البته آلمق ایستین نصرانیت کنیسالرینک وبا خصوص بومقصده خاریل خاریل چالیشان، یک بویوک و مادی فدا کارلرلر یاپان و حتی علم و مدنیت نامنه شرقده دورلو دورلو مغالطه و سفسطه ارتکاب ایدن امیرالیست آنغلو - ساقسون ارباب کنیسائییه سنک مسلکلی اسلامیتجه مقبوحدر [۱] چونکه خلاق متعالم حکمی ازلدن بری اجبار صورتنده تجلی ایتمه مشدر. رب العالمین اکر اویله مراد ایتش اولسه ایدی اویله تجلی ایدردی. نیته کیم بو حکمت ازلیه شوآیتک مفهومندن مستفهم بولونور:
ولو شاء الله لجمعهم امة واحدة

اون طوقوزنجی قرن میلادینک نصف اخیرنده آوروپانک انکشاف عرفانیسی تاریخی حقنده مخلص بر اثر یازمش اولان آمریقالی (دره بیهر) نام مؤلفک برسوزی بومناسبتله تحطیر ایدلمک شایاندر؛ بومؤلف دیرکه «اسلامیتک کتاب مقدسی - ملاحظات اخلاقیه واحکام انسانیتکارانه نک - علویلری اختیار ایدر. آنده اویله امثال نقطه لری بوله بیلورلرکه بونلری تصویب ایتمه بر فرد مدرک و منصف یوق کییدر. آنک اصول واحکامی افراد انسان ایچون علی العاده حادثات حیانییه اویغون دوشر . [۲]»

[۱] اسلامده کی لا اکرام فی الدین سی الهمیسنه مقابل خرسیتانلقده «هر طرفه کیده جکسک و بوتون افراد عالمه انجیلی تعمیم ایده جکسک» امر. قطعسی واردرکه کنیسا منسوبلری بونک اجبار معناسنی ملهم بولوندیغی اعتراف ایدرل .

[۲] یته بو آمریقالی مؤلفک (دین ایله فن آره سنده تضاد) عنوانلی بر اثر مهمی واردرکه وقتیه لسانجه فرانزجه ترجمه سندن احمد مدخت افندی مرحوم طرفندن نقل ایدلمشیدی. طوغریجه انکلیزجه اصلندن ترجمه ایدلمه سی اثرک قیمت اصلیه سی زده لمشد.

فی الواقع طبعیات بختلرینک حارجنده اوله رق تدقیق ایدلمش بولونسه بیله ینه بر قومک ماهیت روحیه سی و حکمت اوصاف اجتماعیه سی تحری و تدبج اربابی شاشیرداجق قدر بخلق بر مسئله کورنور . بر قومی تشکیل ایدن شعبات طوائفدن هر برینک هویت مخصوصه سی بیله متناقص حادثات عامله دن متأثر اوله کلشدر .

بشرینک بر منزل مدنیته وصولندن صوکره تاریخ انسانیته کورلمکک باشلایان بونجه حادثات روحیه لردن بریده اسلامیتک ظهوری صورتنده تجلی ایتمشدی . اسلامیت یالکز روح بشرده بویوک بر تحول اجراییله قلاماش ؛ برده آنک بالذات حاوی اولدینی نفوذ حرجیه اساساً بک قاریشمش اولان هویت عرقیه ماده سنی بر درجه دهاها اغلاق ایتمشدر ؛ چونکه آنک احکامی مقتضاسنجه عرق ورنک کبی فارقهره اهمیت ویرلمه دیکندن وضع اولوان طریق وحدانیه کیرن هر بر جنس افرادی آره سنده بر قرابت معنویه تأسس ایتمش وبومقارنت روحیه خیلیدن خیلی به مجانست عرقیه بی مروج اوله کلدیکندن جامعه اسلامیت داخلنده فارقه عرقیت باغلری کوشر اولمشدر . اسلامیتک سالکری مبادیده برشوق فعالیت ایچنده زمین علوم کبی حدود ممالکی دخی سرعتله استیلا ایتمش اولدقلرندن مسلمانلر تصادف ایله دککری هر جنس بشر افرادندن بر جوقلرینی کندی عضویت سیاسیه لرینه و شخصیت معنویه لرینه مزج ایدرلردی .

مسلمانلق احکامی اتحاد ایدن دولتلرک بایراقلری آلتنده مسلمان امتلری وجوده کلشدرلر . بو بابده کی محاکماتی توسیع ایتک موضوعمیزک حدودندن اوزاقلاشمق کبی بر شی اولورایسه ده ینه هر حالده اشارتنه بومناسبتله حاجت حس ایدیله چکی اوزره اومسلمان دولتلری جهت جهت قدرت سیاسیه لرینی غائب ایدر اولمشلردی ؛ قدرت سیاسیه نک ضیاغه باشلیجه سبب اولان حال دخی اسلامیتک - زمانمزده « ده موقراسی » دییه طانیلان اصول سیاسته مطابق - احکامنه رعایت ایده مین امرا نک تفرد محترسانه بی و تحکم مطلقیتی کندیلرینه بر دستور اداره اتحاد ایتمش اولملری ایدی .

هیچ شبهه یوقدرکه بر خلق ایچون ترقیات منماده آتجق حریت ایچنده یاشامقله ممکن الاجرادر . ناسک حریت مشروعه سنه مراعات کوسترن دولتلر ترقیات ملیه به خدمت ایتمش اولمقله مظهر اعتبار اولورلر . ابتدالرده پارلاق صورتده تدویر امور ایدن امویلرک و بونلردن اندلس طاقنک ، عباسیلرک ، دها صوکره آسیانک اورته لرنده وهندستانده تأسیس دولت ایدن تورک و تاتار امرا سنک و کذلک عثمانلی حکمداراننک وسائرته نک تراجم

کیتمه درلر . تقرب ایتمهده اولان عرقیت بحرانلرینک رفعلری ایچون مقتدر ارباب اختصاص طرفدن اتحادی توصیه ایدیلن تدبیرلر پک زیاده انقلابجویانه و پک خوشنوتلی سکلده درلر بواحوال تختنده انسان حل مسئله ایچون تاریخنن نور دلالت آراشدیرمه مجبوری حسن ایدیور؛ چونکه عرقیت اختلافلری ماضی بعیددن بری حل ایدلک احتیاجنه معرض قاله کیشلردر . اهل اسلام کی بویوک برین الام جماعتک بومسئله حقنده کی وضعیتی تبع ایتک بزره درس عبرت ویرمکدن خالی قاله ماز . . دین اسلامک اساسی اوزرینه وضع ایدیلن جمعیت اتم اصولی انسان عرقلرینک قاعده مساواتی اوילה بر جدتیه ملنزم بولومشدرکه بوده باشقه جماعتلری بعینه اصوله مالک اوله مامقندن طولای اوتاندرسه کرکدر .

فی الحقیقه عروق بشرک مقارنتی مفکوره سنه مسلمانلر دیگر جماعتدن داها اول استیناس حاصل ایتمشلردی .

ایشته کوریلورکه اسلامیت اوילה عرقیت فارقه سی ایله آل اله کیتمز . کوزلرمزی خریطه عالم اوستنده شویله بر کزدره لم . ایشته سنزه غرب میسیونه رلکری جمعیتلرندن بریسی طرفدن ترتیب ایدلمش اسلام عالمی خریطه سی ؛ بوکا کوز کزدریلنجه آکلاشیلورکه انسان اولادینک یاشادینی هر نقطه جهانده اسلامیت عرض موجودیت ایده بیلیور . اسلامیتک دیگر اقسام جهانده اولدینی کی - نصرانیت غربیه نک حکمی جاری اولان برلرده دخی کافیه زمین توسع بولماسی اویرلرده اسکی زمانلردن اعتباراً کوکشمش اولان کنیسا حکمی اصحابنک بونجه عصرلر سورن پک متصبانه قیصقامجلغندن و بناء علیه نفوذ اسلامیه قارشو آچه کادیکی بی آمان بر جدال امحادن طولای ایدی . اک عالم واک معتدل الافکار صاییلان کنیسا مؤلفلرینک آتارنده بیله اسلامیت علمینده سوء تأویلات و خوشونت بیاناتدن ماعدا چیرکین افترا لرده تصادف ایدیلور . آنلرک اوزون سورن اومقوله مساعی رقیبانه لرینه رغماً « بیاض رنگلی » دیبه تلقیب ایتدکری اقوام غربیه افرادی آرمسند دخی صوک بطنلرده اسلامه کلنلر کورلمشدر .

عرقه صافیت ماده سنک برچوق عوامل طبیعیه وسوائق اجتماعیه دن طولای قبل التام زمانلردن بری محافظه ایدیله مه مش اولدیغنه دائر بالاده بر اشارتده بولونمش ایدک . آنزوبولوزی علمی انکلیز متخصصلرندن (مارت) نام ذات تثبیت عرقیت حقنده کی مشکلاتی آیان ایچون « کاشکی انسانک یا کیه مه جنی صورتده آشکار بر علامت فارقه بولونسه ایدی » دیمشدر .

احوالنده هب اوتغلب مطلقیتك قدرت سیاسیه اوزرینه اولان تأثیرات انحلالیه سی کوریلورده بر قاج عباره یوقاریده افراد امتك حریت مشروعه سئنه رعایت ایدن دولتلرك مظهریتنه دائر بر اشارتده بولونمش ایدك . بوراده شوقطه یه دخی اشارت ایدم كه مطلق و خود سئرا نه اداره ایله حریت شخصیه بر لیکده یورومز و افرادك حریت مشروعه سنك امین اولمادیغی یرلرده وجدان عمومی تیقظه كئز؛ وجدان عمومینك اویا نمادیغی یرلرده امتك نه اراداتی نافذ اولور نه ده تمایلاتی مصیب . البته اوکی یرلرده حسیات عامه را كد قالدور . حسیات عامه سی حال توقفده قالدان بر هیئت اجتماعیه بالضروره غیر مترقی بر حالده طورر و غیر مترقیك ایسه قدرت سیاسیه مك زوالی دعوت ایدر . ایشته آوروپا ملت لرندن بعضی سنك سرعت کامله ایله ترقی ایدوب کیندکری دورلرده مشرق اسلام ملت لرندن برچوغی یرلرنده صایوب طور ییورلردی . بو حالك نتایج وخیمه سی بوراده تفصیله حاجت مس ایتمز .

بوکون دنیاده - معنای سیاسی و مفهوم استقلال یسی ایله - مسلمان ماتی صفقی و یریه بیله جك جماعات معینه مك عددی پك آزدر . لکن «قوم» سوزینك بالاده ذکر ایتدیکمز معنای علم یسی داخله کیره بیله جك مسلمان کتله لری ایله اقطار جهانك بر خیل مهم جهتلری طولیدر . ایشته بز بودرسده مسلمان کتله لرینك - داها طوغری بر تعبیر اولوق اوزره مسلمان قوم لرینك - آئو غرافیا لرندن یعنی ماهیت اجتماعیه لرندن و - اگر تعبیر جائز ایسه - ترجمه حال لرندن بحث ایدم جکمز . طبیعی اهمی مهمه تقدیم لازم کله جکندن نظر مطالعه منزی اکثریتله اك مهم اولان مسلمان قوم لرینك ماهیت لرینه عطف ایدم جکمز . بحث لر منزی اسلامیتك بنی بشر احزابی آره سنده کی قدم انتشارینه کوره بر سلسله ترتیه صو قق اك مناسب بر طریق تدقیق التزام ایتمکدر ظننده بولوندم ؛ ایشته بو ذهابدن طولانی اول امرده عرب قومندن بحث ایدم جکم .

فایل مقاله

